



UNIVERSITÄTS-
BIBLIOTHEK
PADERBORN

**Scientia Salvat̃is, Sive Considerationes Piæ, Præcipuam
Spiritualis Vitæ Materiam complectens**

Laberhittel, Samuel

Ingolstadii, 1660

260. Feria 2. de Beneficentia.

[urn:nbn:de:hbz:466:1-59837](https://nbn-resolving.org/urn:nbn:de:hbz:466:1-59837)

464 *Dominica 13. post Pentecosten.*

suis, suorumque Angelorum consolationibus Matth. 4. remuneretur. Denique in *famentium multorum societate cibis distendi crudelitas videtur*, ait D. Laurent. Justinian, Lib. 20. de Discipl. Monach.

Conf. 3. Actiones ejus sunt: 1. Cibos ab Ecclesia vetitos pro tempore, non sumere. 2. Jejunia Ecclesie servare, & ex consilio aliqua suscipere. 3. Horam consuetam refectio- nis tenere. 4. Lautiora & pretiosiora aver- sari. 5. Communes cibos libenter assu- mere. 6. Quantitatem solum necessariam admittere. 7. Ante refectio- nem, cibi cogi- tationem excludere, in actu edendi avidita- tem cohibere. 8. Ex quantitate, qualitate, & numero esculentorum ea omnia detra- here, quae sanitati corporis, & puritati men- tis officerent, juxta illud: *Sanitas est anime & corpori sobrius potus*, Eccli. 31. cujus forte defectu tot hodie leprosi Christo occurre- runt. Dicebat S. Bernardus serm. 25. inter parvos. *Tria sunt, quae faciunt sanctum, victus sobrius, actus justus, sensus pius: Addam ego quartum, Eucharistiae esus.*

MEDITATIO CCLX.

Feria 2. Domin. 13. post Pentecost.

De Beneficentia.

Videbo D. JESVM visceribus misericor- diae

Feria 2. Domin. 13. post Pentecost. 465

diæ indutum, qui pertransijt benefaciendo.

Actor. 10. Petam eum imitari.

Conf. 1. Beneficentia est affectus voluntatis operi conjunctus, quo propter Deum conferimus beneficia in omnes, in quos possumus.

Conf. 2. Incitamenta ad eam sunt: 1. fraterna charitas sine beneficentia exigua est, aut nulla. 2. Beneficentiæ opera sunt hostiæ Deo acceptissimæ, habentes pro mercede ipsum Deum. 3. Omnis creatura nos ad beneficentiam invitat: nihil enim est in natura, à quo beneficium non accipimus, 4. Exemplum Christi, qui nobis beneficentissime donavit conceptionem suam, vitam, infantiam, pueritiam, adolescentiam, juventutem, mortem, resurrectionem, ascensionem suam, & missionem Spiritûs sancti, ut conceptio ejus emundaret meam, vita ejus instrueret meam, mors ejus meam destrueret, resurrectio ejus meam præcederet, ejus ascensio meam præpararet, Spiritus ejus adjuvaret infirmitatem meam. Adeo Christus ubique fuit beneficus, & utilis, loquens & tacens, tangens, & attrectatus, dormiens & vigilans, sedens & stans, denique peregrinus inter homines versans omnes male habentes curavit. Matth. 4. & 8.

Conf. 3. Actiones ejus sunt: 1. Beneficia

V s **tempo-**

466 *Feria 3. Dom. 13. post Pentecost.*
temporalia & spiritualia, doctrinae, consilij
& exempli, pro facultate omnibus domesti-
cis & externis, cognitis, & incognitis elargiri.
2. Hac eadem, cum petuntur, statim, sine
mora, hilariter, & libenter dare. 3. Si proximo
utilia, vel ad ostensionem amoris necessaria
sunt nostra obsequia, ea gratanter ingerere.
4. Ignorantes, & nihil de nobis cogitantes.
cum Deo gratum fore putatur, operibus pu-
ritatis afficere. 5. In gratiam, & utilitatem
aliorum aliquam incommoditatem sustine-
re, & pro salute eorum spirituali, etiam vi-
tam temporalem exponere. 6. Pro beneficijs
exhibitis nihil hic compensationis expecta-
re, sed à Deo. 7. Ita dare, quomodo velle-
mus accipere. Glorificabo salvatorem pro
hac virtute. Peccati contra eam postulabo
indulgentiam, eandem virtutem expetam.

MEDITATIO CCLXI.

Feria 3. Domin. 13. post Pentecost.
De Castitate.

V Ideo Dominum IESUM in turture figu-
raturum; quia vox turturis predicatio Ca-
stitatis, inquit D. Bernardus; serm. 59. in
Cant. At teste D. August. serm. 17. de temp.
& 33. ex 50. D. IESVS Castitatis auctor, &
primus eius Magister, Petam Domini predi-
cationem capere.

Conf. I